

孩童人中念云

五雷使者速與孩童住其管衛之驚火點孩

童兩手心背脊骨前心頭念云

中元萬將軍速與孩童住其中部之驚又點

兩脚心念云

下元周將軍速與孩童住其下部之驚再念

天驚斷地驚絕人驚散鬼驚滅以兩手中指

揉太陽穴大指擦眉心念云

急急如天蓬天火救火救火天蓬天火再念

天君誓章取盟悉并煞悉吹布童身喝云

住再念

陽明真火太乙玄靈三魂歸舊體七魄永長

生急急如

太上玄靈律令攝

咒畢取五方生旺正炁存斗光罡炁噓布

童子自泥丸徧及一身再念金光咒一徧

吸天門金光炁吹布存祥光覆護永保長

生

道法會元卷之一百五十五

道法會元卷之一百五十六

京一

上清天蓬伏魔大法

太上洞神大尊曰昔混沌一炁先會丹臺

之處故清炁昇而為天濁炁積而為地沖

和之炁結而成人故天象法我我象法天

知至道者天不殺服元炁者地不滅何况

乎神監昭然乎訣法列於星斗者也得此

天蓬秘法宜寶秘之當有助法威神擁護

其人萬邪不干神圍左右永保康寧得其

位得其神設乎法訣洞乎神監者也如是

則橫災邪障鬼賊聞之奔走千里神伐其

妖乃靈官神將之衛也更在中宮玉闕靈

機獨照皎如日星倏然迥出六合之外遠

於杳冥之域如此則精神存守三一長存

元精全炁之隆曰神主道不違執在其身

神用精微命乃長生八冥之內細微之中

太玄都玉京之山崑崙之上生七寶華林

覆檐其身哀哉迷徒日用而不知殊不顧

珍奇可惜之寶擲之於可畏之地安忍而

棄之其玄都玉京山非獨其寶日月星辰

塞運而不息昭昭乎其得之者崑崙永

固三一流通乃一身之靈宗百神之命窟

津液之泉源魂精之門戶胃池溫潤以化

物上宮圓虛以灌真一靈植立萬炁齊仙

勿謂在乎人而不在乎已何在之謂也濟

於彼而不濟於己何濟之謂也所以脩身

養命助國扶民當得南宮有位北府除名

德契天心道合太玄位為真仙之任也斯

之秘旨若有見聞使道關釋釋啓迪昏蒙

瞻其神祕者惟風契南宮之籍焉

上清尊聖太上玉京太清仙境金闕洞神

天尊與諸天仙眾三界高真居大羅無極

世界放太光明遍照十方法界普運慈悲

之音廣度人天之衆咸歸正道得悟真常

至於長生久視不涉輪迴浩劫長存道遠

妙道溥濟羣倫同登道岸是謂高明之念

也昔上清紫微宮北極尊帝都天大元帥

天蓬真君降傳祕密之法務拯羣生蠲除

疾苦垂微妙之訣以付修真之士我上清

董大仙於蜀城西明山修行上道忽獨遇

元帥授文字三冊上則訣目符籙中則罡斗呪訣下則役使鬼神行持之法真人得之下居府城功行二十餘年終於西明山持尺乘白鶴白日仙去秘法藏於山間後人相傳焉嗣行此法者係上清北極天蓬門下正法驅邪院破邪真人必潔齋秉持公正方合聖心依法奉行鬼神凜凜始動終急則禍反及身切宜慎之

主法

祖師北極五靈老君姓遼名明

玄冠羽服煥然如望日輪中有玉帝髯鬚

左右侍從玉女

祖師九天尚父五方都總管北極左垣上將

都統大元帥天蓬真君姓下名莊

三頭六手執斧索弓箭劔戟六物黑衣玄

冠領兵三十萬衆即北斗破軍星化身也

又為金眉老君後身生於周時孔子稱十

莊子即其神與元帥威猛制伏妖魔凡行

雷法無天蓬不可以役雷神獨行雷法無

天蓬不可以顯驗元帥側有從童或騎夔

龍部領一炁都統大將軍直月五將軍飛鷹走犬二使者無義神王威劔神王戰伐神王擊兵啞將黑殺洞淵三十萬兵三十六員大天將無執天仙兵吏並在煌煌紫雲火焰之中

宗師大羅班長玉華教主九炁集神董大仙

上清冠紫衣凭几坐雲椅左插元帥訣右

持神尺乘白鶴掌三天王曆玉璽

天罡大聖

身長百丈素羅衣披髮左手插訣又腰右

手執劔跣足丁立面紫色三目中目光明

照耀天地頂中出炁兩條一青一白青白

中復出青赤炁如絲彌布天地

將班

統兵主帥混元一炁都統大將王元帥名煜

頂通天冠皂幘金甲皂衣手執弓箭戟

統兵四目老翁都雷電殺伐大將陶元帥

老人相四目執拄杖左有黃判官紫公服

金花惡相仗劔右有雷使者黃衣黃巾綠

帛靴靴玉帶按四時望王方既炁役使遇

上元夜用豆餅歡喜團棗湯茅香金錢甲馬三分祭之

三十六將化身主事

天蓬大將姓駱名芮

即北斗第一貪狼星也四面八臂執斧鐵

弓箭劔戟印鐸領兵萬衆神光赫奕震驚

天地雖百萬光魔威光一照俱化為塵

九元殺童大將姓黎名蝶

即北斗第八星乃是清微天禹餘天大赤

天天殺大神青衣大袖弁冠執戟領兵萬

衆禦制風顛百怪惡鬼

五丁都司大將姓閻名漢

即六天神王六丁大神三天侍從三十六

司各有六萬兵黃巾紫衣大神左手托山

右手又腰領兵千百萬衆時遊人間收擒

虎狼五癩之鬼

高力北翁神將姓起名淵

即三洞天中三元神王北都三殺大神玄

布纏頭皂衣大袖左執金鐘右執玉錘領

兵萬衆制禦五瘟疫癘之鬼

七政八靈大將姓蓋名聞

即斗中之真人星及八史吏七十四萬在帥左右飛仙衣芙蓉冠仗劍領兵萬眾衛護世人見責人吉

太上皓兇神將姓閻名守

即唐葛周三將軍三五都大將軍領兵三十萬前後行神布炁驅逐邪魅拔攝山精陣亡之鬼入軍戰勝

長顛巨獸大將姓皮名述

即四天門王四海龍王有四萬天兵將吏人面鳥觜頭有一角虎手執鐘龍足領兵萬眾收攝山精邪魅制伏蛇蝎毒蟲之鬼手把帝鍾力士姓伊名伽

即五嶽四瀆河海大神領兵萬眾能禁壇護法及令利市和合佩符人皆敬仰

素臬三神大將姓樂名樂

即三天大魔王八景大神有二千人素騎各萬人常在空聽人間善惡如堂殿善神此神領兵搖鍾夜分引青衣童子手執花枝徧遍人間賞善罰惡斷除虛耗追還

之鬼

嚴駕靈龍大神姓羅名述

即天罡大聖九州社令名山大川遊邏天神常侍衛帝君部領百十萬誅大神齊民間善惡一切鬼魅生熟妖精如見形即能斬之

威劍神王大將姓虛名羅

即風伯雨師八風大神五嶽四瀆神王四海龍王雷公神部八政雷兵八千人迎雲遊天請雨存役之青衣大袖弁冠口吐青

草附木百怪之鬼

斬邪滅蹤大將姓金名克

即河魁大神常衛帝君左右

紫炁乘天大將姓曲名祐

即北斗都神王天魔王領兵百千萬人誅滅除伐一切妖魔惡毒之鬼

丹霞赫衝大將姓姚名貫

即女青詔書玄天大神王百億萬人靈寶章詔傳達考召行用領兵救民疾疫驅斬

水蟲蛟虜怪魁惡鬼

吞魔食鬼大將姓支名方

即二十四司使者殺鬼神王二十四炁鬼屍狐狸之精一切邪妖收而斬之

橫身飲風大將姓幽名隱

即二十四天神領兵收擒破滅壇廟樹木之精

蒼舌綠齒大將姓回名諒

即日月大將能明暗象緯之炁領兵千人

移山塞海除辟官事口舌兇神

四目老翁大將姓陳名汝

即日月中大神領兵收擒惡炁腫疫之鬼

天丁力士大將姓韓名都

即三清三洞天官吏兵各一十萬人常隨

左右誦呪立至

威南禦兇大將姓莊名天

即上清天中威南大神領兵收擒惡炁疾疫之鬼救助世人

天驕激戾大將姓示名世

即上清大神領兵收擒邪精神鬼祛除惡毒救護世人

威北衝風大將姓任名悅

即上清天中大將北斗元神領兵收擒邪妖惡毒之鬼

三十萬兵大將姓合名閻

即六天行吏大神六丁八吏大神各八萬

五千人誦經咒傳法錄存之以却不祥及

領兵制伏萬邪凶魔之鬼

衛我九重神將姓解名陶

即六丁八吏之神斷滅一切凶鬼衛助世人見王侯大吉

辟尸千里大將姓宋名軒

能斷滅兇惡喪亡伏屍之鬼

驅却不祥大將姓程名球

能鎮六神安宅舍

敢有小鬼大將姓邢名珽

即五帝兵馬能救人百蟲所傷收腫毒惡瘡邪炁

瘡邪炁

欲求見狀大將姓房名和

即三洞天宮神吏領兵治人心腹虛脹鬼

無刺痛

鑿天大斧大將姓伽名須

即五帝兵馬能斷凶惡之鬼

斬鬼五形大將姓過名存

即北斗虎賁將吏能斷山精妖怪拋石撒

沙之鬼

炎帝烈血大將姓維名滑

即四明功曹大使南斗殺鬼使者及遊巡

三千六百人隨帥左右聽令察人善惡宜

行好事不得穢語領兵能滅水火蜂蠱惡

疾瘡毒之鬼

北斗然骨大將姓震名歲

即北斗使者領兵斷滅人間呪詛毒藥兇

災之鬼

四明破骸大將姓席名四

即四明功曹使者能斷惡蟲鼠耗之鬼

天猷滅類大將姓永名遠

神光赫奕震動天地能收虛空飛走百禽

鳥獸之精

神刀一下大將姓崔名鼎

即北斗大聖流金火鈴黑煞之神領兵百

萬殺滅邪鬼及斷滅神壇廟宇兇惡妖精

之鬼

萬鬼自清大將姓戴名湛

即真武大聖化炁斷除千萬精邪惡鬼盡

化為塵

九元煞童九人

上元天煞靈童 上元地煞靈童

上元歲煞靈童 中元災煞靈童

中元劫煞靈童 中元時煞靈童

下元捉煞靈童 下元妙煞靈童

下元略煞靈童

五丁都司五人

東方乙丁天奇司 西方辛丁天養司

南方丁丁天司 北方癸丁天合司

中央巳丁天食司

七政七人

東方司未少陽之精 南方司火陽明之精

西方司金太白之精 北方司水太陰之精

中央司土大戊之精 太陽司日化生之精  
太陰司月成魄之精

八靈八人

天靈公

地靈母

南靈府

北靈府

西靈澤

東靈雷

巽靈虛

艮靈實

素菓三神三人

橫身飲風一人

吞魔食鬼一人

四目老翁一人

天丁力士一人

○ 以上諸神並金甲兜鍪神威赫奕翅衛北

帝遊行太空

統兵助法二將

各長十丈金甲兜鍪一持鎗一持刀

火鈴帝君

九旒冠容貌紫赤色絳衣跨火龍乘火雲

火鈴將軍

金甲兜鍪擲流金火鈴

護尺神王

通天冠絳衣手結伏魔印

收精捕魅食鬼安人一悉都統大將軍

通天冠黑幘皂衣金甲執弓矢

直月五將軍

鐘師將軍 直正月四月

金甲兜鍪皂衣青緣持鎗

寶權將軍 直二月五月

銀甲兜鍪絳衣青緣持刀

資寶將軍 直三月八月七月十一月

鐵甲兜鍪黃衣皂緣持骨朵

伯拒將軍 直九月十二月

金甲兜鍪素衣皂緣持槍

兵侯將軍 直六月十月

金甲兜鍪素衣皂緣兼刀

右五將軍乃元應府所主

資寶將軍陳叔真 直二月八月

虎頭將軍魏元 直正月七月

滅魔將軍景猛 直四月十月

蓬頭將軍魯文 直三月九月

崩額將軍游申 直五月六月十一月十二月

右五將乃天蓬祖法並金甲黃衣持槍劍

戰骨朵之屬並戴帽

前元應府所立五將軍之名與天蓬法不

同輪直月分亦不同科在五府則鐘師寶

權等號若天蓬法則資寶虎頭等號符亦

有二等有用十于中者書鐘師寶權名

號無散形無姓名有用金木水火土于中

者用資寶虎頭等名有散形有姓名二符

並見于後按楊希真法師編正春夏秋冬

四季四負四季之末各十八日一負總七

十二日以五行分為五將於符文相合庶

幾不背於理也

○ 無義神王

朱幘緋衣執鉞

飛鷹大將凌天英

金甲兜鍪上建鷹青衣左手擊金鷹右手

伏劍面赤薄鬚鬚大眼方口部兵千負

走犬大將費鐵英

兜鍪白衣白幘黑面大眼左手持戈戟右

手牽犬金形若龍部兵千負

十二支直符

子日直符

鼠頭冠黑衣持槍

丑日直符

牛頭冠黃衣持槍

寅日直符

虎頭冠青衣執牙

卯日直符

兔頭冠青衣執牙

辰日直符

龍頭冠黃衣執牙

巳日直符

蛇頭冠赤衣執戟有拂

午日直符

馬頭冠赤衣持戟

未日直符

羊頭冠黃衣持戟

申日直符

猴頭冠白衣執槍

酉日直符

雞頭冠白衣執槍

戌日直符

狗頭冠黃衣執槍

亥日直符

豬頭冠黑衣執槍

六甲神將

青幘頭蓋金甲仗劍

六丁神將

赤幘頭蓋金甲仗劍

行印式

一曰太玄神篆印又曰天蓬黑印二曰驅邪印

三曰仙都巡攝印四曰火鈴印五曰天丁印

六曰九天寶印各方二寸五分取神木以甲

子日造庚申日祭常以丹砂篆或以絳紗唯

然鬼驅邪火鈴三印可令治病凡用之步至

患人之前左手持印右手握元帥訣鳴聲某

甲某病某鬼急速消散滅除形急急如律令

左手掐都監訣右手執印存七星在頭上

閉炁叩齒按印放患人心中屏炁運西二

十五息誦天蓬咒願求度厄上請收瘟破

邪大威力士隨印消病叩齒二通用罡炁

舉印印之蓋印乃紫晨雲篆更能均心臨物則舉死錄功皆可上昇矣

祭印式

開印訖以朱傳文具狀奏申合屬去處然會擇甲子庚申三元八節夜子時或五月五日

夏丙午日備香茶酒果向斗下安印用奏狀

獻狀各三封存唐葛周三大將軍天醫治病

功曹使者拜拜上香具位祝曰百姓某虔誠

上啓

中天北斗九皇尊帝天丁力士三真君功曹

使者斗中聖衆臣草茶微生樗櫟朽質冒參

上法受庇玄穹於某年月日投某人門下拜

受北極天蓬正法自佩受以來朝修不常動

違天憲南宮無紀善之名北府有糾非之字

登壇受法之際對師有約誓當佐天行化助

國救民依法命工刊造法印茲遇吉辰虔修

醮祭伏乞

上真疏降真炁下入印中令臣佩奉宣宏道

法所指如心驅邪治病獲遂通靈下副臣修

持之願臣謹誠惶誠恐稽首頓首再拜謹言

祭訖焚獻狀錢馬貢上斗真元帥大仙神  
將監印天丁等神

製造行印式

製造注印用雷擊東木棟甲子日夏用丙午  
日一日造成不可經宿取置蒸吹於訣上指  
邪人心頭以印印之祝曰

太上大鈴炎帝之精擲火誅殺萬鬼千精顛

邪沉滅悉爽神清瘟瘴狂熱急冷如冰上清

印訣並不容情印訣所指萬病安寧急急如

律令此印係吹印及  
急身其任立止

驅邪院印 劄上用 天蓬印 關上用

天丁印 申狀上用 總攝印 牒文用

火鈴印 連悼用

凡印公文指訣念呪陽日指斗訣  
陰日金丁訣

杳杳冥冥甲乙丙丁天地所生神真肉養元

身刺貞急急應吾口急急應吾聲稍遠吾救

如通上清急急如律令

關印呪 大指劇中指甲

天印靈靈天蓬元帥敕行驅邪法主監印天

丁力士捧行邪道關之腦裂病人見則安寧

兜惡為禍者滅慈善為福者生急急如律令

行印呪

乾象天靈坤以運載不得違時周而復始天

丁受吾神印六甲衛吾身形何神不從何鬼

敢當吾印指天天傾指地地裂指人人長生

指鬼鬼絕滅指山山崩指水水竭指雲雲舒

指木木折指風風停指雨雨歇帝君授吾神

印化攝汝等有違吾令四肢伏指急急如

天帝律令敕

下印呪

三五堂堂日月為光陰陽交會四時中央神

印一下萬鬼滅亡急急如律令

入印呪 大指劇中指甲

天丁力士入天印猛烈邪魔化作塵急急如

天帝律令敕


法曰取罡炁封之使萬邪不能干犯也太

玄神篆曰天蓬印方二寸五分用神木刻


于甲子祭于庚申二吉日陽精封篆盛以

絳囊

天蓬印 北帝火鈴印



北極驅邪院印




元帥帝鐘

昔皓首仙翁付五嶽大神能驅山鎮海移動  
宅舍治巖石之精以五月五日及九月九日  
用銅鑄四面篆文鑄訖撼振九通



帝鐘符



帝鐘呪

山川百靈聞我須驚浩劫大道照天之精日月永固百魅石神山嶽隨我江河拱迎急急如律令

書符呪

皓首仙翁五嶽大神火鈴帝鐘法通天真天蓬元帥撼動玉宸護鐘神吏鼓鐘將軍濟鐘造化無所不聞萬魔滅迹百川沸騰上聞紫極下及幽冥何神不伏何鬼敢聽千千截首萬萬剪形魔無千犯鬼無妖精一如告命風火無停急急如北極大帝律令

救呪

山川百靈五嶽四溟聞我神鐘萬鬼咸驚浩劫大道照察天精日月永固百神擁護山嶽隨我江河沈去靈官衛鐘天神衛鐘地神衛鐘北帝保鐘天蓬持鐘火鈴直鐘神鐘神鐘

何鬼敢當撼動一聲萬邪滅亡急急如北極大帝律令救

書鐘符存用

凡書鐘符取罡炁化身為元帥嚴駕夔龍領三十六將左右侍衛六丁六甲火雲馳空三十萬兵圍繞念大呪見元帥持火鈴左手結童子印右手推魔印再發三十萬兵圍定鬼門步十二辰罡至鬼門存元帥領兵徧滿世界其變龍口吐火焰吞啗鬼神元帥以左手敲龍角三下其龍大吼鬼皆伏地以元帥訣遣兵圍繞九重然後具事上言却書鐘符取龍口中火急吸入符中蓋之此符大治顛祟生熟妖精起災殃凶魅當存天蓬使者四日老翁執劔部領天兵鬼神無敢當者

護身呪

靈官衛我天魔助我山神送我天蓬佑我北帝保我虎狼避我惡人遠我貴人敬我急急如律令救  
道法會元卷之一百五十六

道法會元卷之一百五十七

上清天蓬伏魔大法

神尺秘旨

夫檢精捕非守之合微造尺之法用福地桃木或雷震菓木為之擇甲子日造準淮尺長一尺二寸厚八分闊一寸二分正面三台七星罡星指下書元帥有令賜尺度人隨心所指山嶽摧傾急急如律令背上刊七星隱諱三台北斗星下書元帥有令賜尺度人受持不急與尺同昇急急如律令左側太乙力士右側二十四神雕造畢寫天蓬呪用水調朱填篆以絳紗囊盛早晚誦呪燒香存君掌尺將吏凡有無知下鬼惱亂生人持安面前結五嶽印丁立其邪鬼見皆滅形凡人能思空洞游神淡漠受持不急德業自充不須符水行造呪訣祈禱也但尺之指指山山裂指海海竭久欠護持神功無不利矣此尺驅瘟伏邪天蓬門下常有千兵萬將備衛神尺也  
右按元應冊天蓬法尺則長一尺二寸以應一年十二月闊八分取八節厚四分則